



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Coppensteinus Conceptuum Prædicabilium In Dominicas Festaque omnia per Annum

Coppenstein, Johann Andreas

Mogvntiæ, 1624

In Festo S. Stephani Protomartyris. Video cœlos apertos, & Iesum stantem
à dextris virtutis Dei. Actor. 7.

[urn:nbn:de:hbz:466:1-51556](https://nbn-resolving.org/urn:nbn:de:hbz:466:1-51556)

scensione facta ex equo, primus niuem inuadit pedes altam; trahit exemplum pudorq; ceteros, seseque penetrant. Iesus nostra inijt frigora externa, & interna: & fidenter sequi dubitabimus?

2. Ionatham per confragosa reptantem, saxa noctu in castra Philisteorum, suus puer affectabatur. 1. Reg. 14. 3. Armiger Saulis viso, quod Saul in gladium incumberet, & ipse in suum sese proiectum transfadegit. Quid nos? Tam horrida non adeunda nobis: & stamus, pedem struimus? Quin in contraria alia omnia ruimus: ad vitia, superbiam, &c.

IN FESTO S. STEPHANI PRO-
TOMARTYRIS.

*Video caelos apertos, & Iesum stantem
à dextris virtutis Dei.*

Actor. 7.

NAboth, 3. Reg. 23. quod vineam maiorum suorum cedere nollet Achabo Regi impio; Iezabelis Reginae astutus agitur, & peragitur: Ut regis edicto fuerit lapidatus. S. Stephanus quod vineam Domini Sabbaoth, Ecclesiam prodehere nollet, ab Synagoga damnatur, lapidatur.

Nos super ea

- I. De praestantia Martyrij.
- II. De supplicio lapidationis, & Martyrum fortitudine.
- III. De inuicta Protomartyrio Sancti Stephani.
- IV. De visis caelis apertis.
- V. De intendente in caelum.
- VI. De orante pro lapidatoribus suis.

PARS I.

De praestantia Martyrij.

Præstat id omnibus I. **M**artyrium suum & pretij, & præmij excellentia semper in Ecclesia fuit

præ omnibus, & longe supra Confessorum Virginumq; tropæa: teste S. Th. 1. 2. q. 1. 2. a. 24. 1. Nam Ioan. 15. Maiorem hac dilectionem nemo habet, quam ut animam suam ponat quis pro amicis suis. Charitas dat pondus operi: sed nulla maior quam Martyrij: quod opere ipso diligit, dans animam, id est, vitam. Qua quid habet pretiosius homo? Quam dabit homo commutationem pro anima sua? 2. Quod si igitur, 2. Chari. Matth. 16. Omnis, qui reliquerit domum, vel fratres &c. aut filios, aut agros propter nomen meum; centuplum accipiet, & vitam æternam possidebit. Quanto magis, qui perdiderit animam suam in hoc mundo, in vitam æternam custodiet eam?

11. 3. Deus, Gen. 22. tanti fecit paratum Abraham animam ad immolandum filium, ut dixerit: Per memetipsum iuravi: Quia fecisti rem hanc, & non peperisti vnigenito tuo propter me; benedicam tibi, & multiplicabo semen tuum, sicut stellas cæli. At suam dare vitam per Martyrium, quanto maius id est? Ergo maius & præmium. Martyres sunt, qui Deo libere dicere possunt. Ps. 43. Propter te mortificamur tota die, æstimati sumus sicut ovis occisionis.

2. Si Matt. 10. Quicumq; potum dederit vni ex minimis istis calicem aquæ frigide, tantum in nomine discipuli; non perdet mercedem suam: quanto certiores is auferet, qui dederit sanguinem suum? Non vita pluris, quam eleemosyna? Dominus, quam discipulus?

3. Sephora, Exod. 4. ut viro in circumcidendis filiis tardanti, Deumq; offendenti, vitam seruaret; raptim filios recutiuit, dicens: Sponsus sanguinum tu mihi es, quasi dicat. En, quam te diligam, ut nec libero rum sanguini pepercerim; te seruem: quare me redamato. Iustius id Martyres Christo dicent.

4. Si, Gen. 4. Vox sanguinis fratris tui clamabat ad me de terra vindictam: ut eo clamo-
more

more Deus excitaretur. Quo magis excitabitur ad gloriam impertiendam clamanti sanguini ob generositatem, fidem, &c. in patiendo.

III. Est ager hic mundus: Agricola Deus, qui seminat homines: sed in idem solū cadunt non omnes. Alij enim Matth. 13. in latam idololatriæ viam cadunt; & ab harpyis deuorantur. Alij in petram obstinationis: hi exarescunt, vt Iudæi. Alij in hærsum spinas: hi suffocantur. Reliqui in terram bonam: & hi fructum afferunt, tricesimum Doctores: sexagesimum Virgines, centesimum Martyres.

Paulus se Apostolum Doctorem gentium, vas electionis, &c. nominare solebat: At post carceres, verbera, vincula, gloriosius nomen vsurpans, ait: Eph. 1. Ego Paulus vinculus Christi. Eph. 4. Ego vinculus in Domino. Ad Philem. Paulus vinculus Iesu Christi. Ita S. Stephanus meruit titulum Protomartyris hodie.

PARS II.

De supplicio Lapidationis, & Martyrum fortitudine.

Elicientes eum extra ciuitatem lapidabāt. Nullum isto crudelius supplicium Iudæis; & proprium blasphemorum. 1. Ita Leu. 24. Educ blasphemum extra castra: & ponant omnes, qui audierunt, manus suas super caput eius, & lapidet eum vnuerfus populus. 2. Blasphemia grauior iis homicidio: par idololatriæ. Quia par veriusque poena. Audileges. Qui occiderit hominem; morte moriatur. Seuera hæc: at seuerior de blasphemia ista. Qui blasphemauerit Nomen Domini; morte moriatur. Parum hoc. Lapidibus opprimat eum omnis multitudo populi. Par de idololatria. Leuit. 10. Si quis dederit de semine suo idolo Moloch, morte moriatur, populus terre lapidabit eum.

Hodie iuramenta, sunt elegantiae sermonis: sunt indicia magnanimitatis: sunt læ-

titiae, sunt amicitiae phrales, sunt sales ac lepores. Proh! Lapidatio talium vbi est? Tot in orbe non lapides sunt; quot blasphemiae iaciuntur in Deum. Hoc vero est Deum lapidari.

Lapidatio item militare olim supplicium fuit. Sic Iosue cap. 7. obruit Achannum prædæ vetitæ Ierichuntinæ reum.

Ad eandem damnabuntur & iniqui Exactores regij. Sic Aduram, 3. Reg. 12. suppurationes Roboami constitutus, quod exhauriret populum, à populo lapidatur. Verbo: Lapidatio summum habebatur Iudæis supplicium.

Vnde & Deus Israelitis vltima minatus per Ezechielem, c. 19. istam eis minatur ab hostibus euenturam. 2. Et Apostolus eam inter Martyrum tormenta seuiora recenset. Heb. 11. Ludibria, & verbera experti, in super & vincula & carceres; lapidati sunt, fecti sunt, tentati sunt.

3. Ab lapidatione sibi metuebat Moses, vt eam ab Deo auerti precaretur: Exod. 17. Quid faciam populo huic? Adhuc paululum, & lapidabit me.

II. Quo admirabilior in S. Stephano gratia fuit constantiae, martiriumque est gloriolius: qui tantum non ad lapidationem contraxit animum: Vt etiam ei lapides torrentis dulces fuerint. Vt furor lapidantium, robur esset lapidati. Non tot illi lapides populus, quot gratiarum vires ei Deus adiciebat.

Vere Psalm. 67. Mirabilis Deus in Sanctis. 2. Confortus! Deus Israel ipse dabit virtutem, & fortitudinem plebi suæ. 1. Est Fortitudo propria Martyrum. Ideo Hebr. 11. dicuntur Fortes facti in bello vitæ. 2. Quis lectulus ille Salomonis, Cant. 1. quem circumstant LX. fortissimi ex Israel, tenentes gladios? Status est Ecclesiæ: cuius Fortes sunt Martyres: quibus, vt excubitoribus, gladios dedit animosos Deus. 3. Ecce, Cant. 4. Similis Ecclesiæ turri est, septem propugnaculis, X x septem

3. Fuit militum.

4. Depeculatorum.

5. Deo insubdientium.

6. Martyrum.

1. Dulce.

2. Confortus.

Martyres sunt fortes Ecclesiæ.

septem donis S. Spiritus, munita: ex qua mille clypei dependent, & omnis armatura fortium: ut fides, constantia, patientia, castitas, &c.

*Antecunt
ceteros ex
emplo fide-
les.*

1. Israelitis Chananæos oppugnaturis mandat Deus; neruum virorum educi in campum. Num. 1. Tollite summam vniuersæ congregationis filiorum Israel omnium virorum fortium ex Israel. Idem in Ecclesia sua obseruat. Ipse delectum agit. 2. Iosue, cap. 1. Dux populi, monet fortissimum quemque præire alios, terramque inuadere promissam. Ita Iesus Dux, Martyres in acie nobis præstruit imbelioribus, ut primipilos.

PARS III.

De inuictio Protomartyrio Sancti Stephani.

1. Impugnatus fuit.

I. Exemplum cape ex S. Stephano, per saxa, per dira præeunte, Martyrum ductore: derisorem ore mortis, ac tyrannorum. Ecce tibi; ut Virgil. canit.

*Veluti magno in populo cum saepe coorta est
Seditio; sauitque animis ignobile vulgus:
Iamque faces, & saxa volant: furor arma
ministrat.*

2. Inuictus.

Innum omnes Stephanum: vincitur; palo astringitur, obruitur.

Sed nil agitis rabidi. Nam, 1. Si fractus illabatur orbis, Impavidum serient ruinae.

Mon hic Atho est, qui fulmina ridet. 2. Hic ille est, de quo Ierem. 1. Ego dedite hodie in Ciuitatem munitam: & in Columnam ferream: & in Murum æneum super omnem terram. Bellabunt aduersum e; & non preualebunt. Quia Ego tecum sum, dicit Dominus.

*3. Vicinior
Deo, quo
afflictior.*

Ut Arca Noe Gen. 8. salus orbis, generisque humani seruatrix, quo procellæ surgebant altius ventique fauiores, hoc illa cælo fiebat propior. Similis Stephano in pelago lapidoso. Et quo usque eue-

heris? Video, ais, cælos apertos; & Iesum stantem à dexteris virtutis Dei.

Iacob, Gen. 28. vidit scalam cælo ter-
raque contiguam, sus deque scandi ab Angelis. Heri ea scala fuit demonstrata: cælum Diuinitate, terram Humanitate contingens. Per eam Magni consilii Angelus Iesus, Isa. 9 descendit heri, hodie ascendit Angelus Stephanus. Nam Intuentes omnes, qui sedebant in Concilio, viderunt faciem eius, tanquam faciem Angeli.

Eratis, quale Summi Pontificis Rationale, Sancta sanctorum ingressuri. Ex puro id auro erat, præferens gemmarum ordines quatuor; in quibus nomina tribuum XII. Talis hic ad pectus Iesu, aureus totus charitate, & gemmeus charismatis. Ezech. 28. Omnis lapis pretiosus ornamentum tuum, & in medio lapidum ignitorum ambulasti.

II. Quod Iacob ad Ruben, idem Iesus ad Steph. Gen. 39. Ruben primogenitus meus tyrannus Martyrum. 2. Tu sortitudo mea Ecclesie, gaudium. 3. Et principium doloris mei; persecutio-num. 4. Prior in donis: charismatum. 5. Maior in imperio cælorum. 6. Vere Ruben, id est, Videns filium, is talis est. Aitenim. Video cælos apertos, &c. 7. Quid nide te accipiat istud, Ps. 88. Ego primogenitum ponam illum; excelsum præ Regibus terre?

1. Qui in oppugnatione primus scandit muros aut vallum, inuadit urbem, vel castra: is præ omnibus laudem fert primam, ac honorem. Sic Ioab. 1. Par. 2. q. primus in muros Ierosolymitanos euasisset, Dux fit exercitus. Annon Regnum cælorum vim patitur, & violenti rapiunt illud? Ioab. Horum primus est Stephanus.

2. Aminadab, 1. Par. 2. totius tribus Iuda Princeps, quod primus mare rubrum inuasisset, meruentibus cæteris antegradens; Deus tribui eius regnum contulit, & sanctificationem. De quo Psal. 113. In exitu Israel de Aegypto, facta est Iudæa sanctificata.

*4. Angelus
in scala
cæli.*

*5. Plenum
gratia.*

*Protomartyr
ad Steph. Gen. 39. Ruben primogenitus meus tyrannus Martyrum.*

*Comparationibus
minorum illustratur
primus.*

*2. Mare rubrum
Aminadab.*

Edificatio eius. Talis Step. in mare Martyrum primus. Idcirco in memoria eterna erit iustus. Et, Ponam illum excelsum præ Regibus terræ.

3. Dux Cer-
sum. 3. Cerui similis est, cæterorum per flumen tranantium ductoris, in cuius dorsum secundus cornua reclinans, alteriq; in alterius deinceps, sic flumen euadunt. Sic ad beatorum insulas Stephanum secuti martyres euaserant Pl. 65. Transiimus per ignem & aquam, & eduxisti nos in refrigerium.

4. Marty-
tu primus. 4. In Lege naturæ primus martyr Abel. Gen. 3. In Mosaica, primus Achimelech, ab Saule cum LXXX. Sacerdotibus contrucidatus. 1. Reg. 22. Inter Prophetas, Zacharias. In Apostolis, Iacobus. Stephanus inter cæteros primus.

5. Victor
louis. 5. Celebratur Banaas, inter fortes Dauidis, 2. Reg. 23. quod solus inuasorem disceperisset leonem manibus, in summo hyemis rigore Laudabilior Stephanus; in frigore sæuissimo persecutionis victor mortis, & Satanæ: ac cælorum effractor.

P A R S IV.

De visis cælis apertis.

Gratulatio
de apertis
cælis. *1. V*ideo cælos apertos, quasi dicat: Eia agite; mortales: Clausi ab an. 5000. cæli vltro se nobis pandunt; rupit repagula Iesus: remouit Cherubinum, romphæa horribilem flammea; custodem aditus paradisiaci: Numen iratum placauit; portionem nostri, nostram naturam ad Patris dexteram collocauit; se desinter Diuos nobis parauit. Huc inuitat; hic nos expectat; hinc nostra spectat. Video cælos, Iesum, Angelos, Patriarchas, &c.

Visio
amplificatio
ad mi-
seri. 1. Parum præ hoc, quod Iacob vidit Gen. 28. Scalam, & Angelos: 2. Parum quod Iosue, cap. 10. solem stare iussit, ac vidit. Aliam vidit Scalam, ac Solem Ste-

phanus, &c. 3. Si omnes Christiani, 1. Cor. 4. Spectaculum facti sumus mundo, Angelis, & hominibus, quale Stephanus hodie fuerit? Vidit, & visus est.

II. Saxa inter crepitantia clamat. *Vi-*
deo cælos, quasi dicat: Agite dum carnifices strenui, ictus ingeminate, contendite vires, vitam mihi exturbate: Sepeliar saxis, vt fruar cælis. Video, quod non sunt condigne passionis huius temporis ad futuram gloriam, quæ reuelabitur in nobis. Rom. 8.

Vt, qui diu iactati in Oceano denique terram procul prospiciunt, exclamant. Terra, Terra, Vt illi apud Virg.

Italiam, Italiam primus conclamat Achates. Italiam socii leto clamore saluant.

Ita Stephanus portum salutis salutatur: Video cælos, &c. Enauigato falo, isthanc intrabo salutem.

O gaudia, ô felicitas mea quanta? Certus sum, quia nec mors, nec tribulatio me se-
3. Gaudium
de salute. parabit à Christo.

Hunc dicere audio. 1. Stephane: Per multas tribulationes oportet intrare in regnum cælorum. Act. 24. 2. Sustine tu, 1. Saxa, 2. secus pedes Saulis: Ego sustinui crucem, 2. inter latrones. Tu vides cælos apertos, ego opertos caligine. Tu me stantem: at Patrem iratum ego. 3. Phocion, dux Athen. ab ingrata patria damnatus ad mortem, Tudippum in eadem damnatione socium, sed animo fractum, sic affatur: Non tibi satis est, cum Phocione mori? Ita quasi ad Stephanum Iesus: Non tibi satis, cum Christo extra portas oppetere.

III. Felix Stephane! Vides; quæ præcedentium nemo. Vidit Arcam Noe: Abraham Angelos: Iacob scalam: Moses rubrum. Aaron Virgam: Gedeon vellus: Iosue solem stantem: Ieremias virgam vigilantem: Ezechiel Seraphinos: Daniel giganteæ vastitatis Virum: alii alia: Cælos apertos nemo. Attu. ô priuilegium.

Xx 2

Quid

Proleptis.

Quid ais, Paule? 1. Cor. 2. Nec oculus vidit; nec auris audit: nec in cor hominis ascendit: quæ Deus præparauit diligens. Vidit Diaconus Stephanus. O oculus plusquam lyncæum! Diuine oculæ, quo te penetras? Ultra undecimū cælum Empyreum. Nam intendens in cælum vidit gloriam Dei, & Filium hominis.

PARS V.

De intendente in cælum.

Suspectio
cæli est
salutaris,
seu Cœrem
platio cœ-
lestium.

I. Beata oculorum intentio! 1. Non alio diuertere; huc intende oculos. Ita Psalm. 121. Ad te leuauit oculos meos, qui habitas in cælis. 2. Et Psalm. 120. Leuauit oculos meos in montes, vnde venit auxilium mihi. 3. Ita Iesus Lazarum suscitaturus in cælum intendit Ioan. 11. 4. Ita Mater Machabæorum natu minimum animabat. 2. Mach. 7. Peto, nate, ut aspicias in cælum: Ita fiet, ut non timeas carnificem istum.

Animas.

1. Omnino hæc in cælum suspectio Therfites mutat in Hercules: acerbæ reddit dulcia: impossibilia visa, fieri posse docet. 2. Hieronymus Eustochium Virginem Romanam huc vertit: Præsentis, ait, laboris tibi ante oculos pinge mercedem; quam nec oculus vidit, &c. 3. Huius scintillam duntaxat vidit Paulus: & exclamauit, Act. 9. Domine, quid me vis facere? An mundum temnere, fugere, mortes subire? &c. Tanti est, cœlestis gloriæ contemplatio? Cælos illa videt apertos.

Cæli nec

sunt scissi.

II. Quid hic dicitis Philosophi? Cæline se didunt? Frangine queunt? Solidissimi sunt cæli, & tanquam ære fusi. Iob. 37. Sed quæ isthuc acies penetret? Quanta fit fissura oportet; cum sol tantus videatur esse tantulus? Quam color micans, ut videri queat? Esto: sint cœlorum corpora Diaphana: ut per quæ septena, etiā stellæ in firmamento nobis cōspici queant. Non tamen Stephanæ visio esse naturalis potuit.

Nec visus
penetratis.

1. Erat, qualis Ezechielis cap. 1. Cæli a-

perti sunt & vidi visiones. 2. Qualis, Apoc. 4. Ecce ostium apertū est in cælo. 3. Qualis Matt. 3. in baptismo Christi; cæli aperti sunt. Ita se, suæque Deus simpliciorum accommodat captui. 4. Sicut in diluuio dicitur: cataraçtas cœli referatas: ut vis pluuiæ significetur.

Deinde Creator animarum, Dominus est potentia imaginatiuæ: huic exhibet quæ vult in imagine: Ita Stephanæ visio imaginaria fuit: ut partes hiantes viderentur densiores; hiatus ipse rarefiscens perspicuus. Cuius artificii & pictoribus est vsus; dum fenestram, aut hiatum adumbrant. Ita Suarez de Baptismo Christi.

Apud Lyram tamen hic tres referuntur sententiæ. 1. Aug. serm. 99. de diuers. Greg. & Nyss. Visionem fuisse mentalem: quæ adeo Deum ac Trinitatē viderit. 2. Fuisse imaginariam: impressis à Deo speciebus istis in mentem Stephani. Id q. Prophetis familiare. Ita Tostatus post multos. 3. Visionem fuisse corpoream, indita oculis viuacitas, ut eo se penetrare possent, videreque Iesum, ut Angeli videri solent. Ita Caietanus cum multis. Neque tamen Deum ipsum, ait, vidisse potuit. Quia Deum nemo vidit vnquam: sed claritatem, quæ Dei præsentiam includeret.

Ita Scriptura gloriam Dei visam exprimit per quiddam illustre. 1. Ut 3. Reg. 8. cum Templum repletū esse Dei Gloria dicitur apparente fumo. 2. Itē Exo. 40. in Tabernaculo Moysis. 3. Item Luc. 1. de splēdore pastorib. viso. 4. Vnde Hier. in Epist. ad Gal. 1. 3. c. 5. Significat in Scripturis, vox gloria, cum augustius aliquid, atque diuinius se prebet obrutibus.

PARS IV.

De orante pro lapidantibus.

I. Domine Iesu suscipe spiritum meum: Et Ignoscas illis hoc peccatum. Gemina chari-

Quid sit
Videri
gloriam
Dei.

Ignoscas
dum
chari-

charitas hæc: Proximi, vt sui. Didicit ab Magistro: Pater ignosce illis: quia nesciunt, quid faciunt. q. d. Grande peccatum est, sed maior ignorantia: putant latronem quendam se morti addicere. Et adhuc quisquam inimicitias alet? Ego autem dico vobis, diligite inimicos vestros.

Vindicta
cupiditas
est execra-
bilis.

Quo deestabiliora sunt odia, atque vindictæ. 1. Audi Iacobiam moritarum, Gen. 49. Simeon & Levi fratres, vasa iniquitatis bellantia: in consilium eorum non veniet anima mea; & in cœtu illorum non sit gloria mea: Maledictus furor eorum, quia pertinax; & indignatio eorum, quia dura. Quia Siche- mitas trucidarant, auidi vindictæ. Iesus qua maledictione feriet similes illis?

Ergo Cor-
la sum Deo
offerendū.

II. Voluit Deus Leu. 7. in dedicatione Tabernaculi ab principibus tribuum argentea offerri acetabula: Quo nos iu- bemur Deo corda offerre irarum, odii- que plena & acetosa; atque amore Dei remittere offensas. Prou. 23. Fili. præbe mihi cor iratū, vt fiat placatum. Relinque mihi vindictam, & ego retribuam. Roman. 12.

Tauendū
que odium.

1. Num. 6. Lex est: Vir siue mulier cum fe- cerit votum, vi sanctificentur, & se voluerint Domino consecrare; à vino & omni, quod inebriare potest, abstinebunt: acetum ex vino, & ex qualibet aliapotione, & quicquid de v- na exprimitur, non bibent. Acetum nihil est Deo curæ: sed quod in pectore est ace- tum iræ; istud significabatur, ac vetaba- tur; quia rationem obfuscat, & euertit.

Exemplo
Christi
columba.

2. Dominus moriturus aceto potari se permittit; vt nostras aceti faeces exhau- rieret. At quot etiamnum sunt acetosæ spongiæ, scilicet animæ? 3. Non talis spō- sus, Cant. 4. cui oculi sunt columbarum, queis nil fellis inest; non oculus toruus. Talis Stephanus.

Cæsaris.

4. Cicer. pro Ligario coram Cæsare, iam Dictatore, perorans, ait: Nihil obliuisci soles, nisi iniurias, quasi dicat: Vno hoc om- nes victorias vincistuas; ac tropæa: re-

ciendoque in gratiam omnes, Deo si- milis es. Stephanus quid non ignoscebat dicens: Ne statuas illis, &c.

Orandum

Aristides præclare de patria meritis pro male- cum proscriptus exiret vrbe Athen. in facienti exilium; flexis humi genibus orabat Deos suspiciens: neu hanc in se iniuriam vindicare velint. At Stephanus ad mor- tem etiam eiicitur, non tantum in exi- lium.

IN FESTO S. IOANNIS E-
uangelistæ.

Hic est Discipulus, quem diligebat
Iesus. Ioan. 21.

Iacob, Gen. 37. in XII. filiis Iosephum, natu minimum maxime diligebat: Ie- sus Ioannem.

Circa quod nos

I. De gratitudine.

II. De S. Ioannis prerogatiuis nonnullis.

III. De dilecti nomine, & Accubitu supra-
pectus Domini.

IV. De Tutela Matris Iesu credit a Ioanni.

V. De quaesito, Quid autem hic.

VI. De permanentia S. Ioannis.

PARS I.

De gratitudine.

I. P Riscis sancta semper, solennisque benefici-
orum Dei memoria cole-
batur. 1. Psalm. 65. Venite, audite, & narra-
bo omnes, qui timetis Deum; quanta fecit ani-
ma mea. 2. Ita & Iacob sciscitanti Esau ait,
Genes. 33. Paruuli sunt, quos donauit mihi
Deus seruo tuo. Bonorum dein partem of-
ferens ait. Accipe benedictionem, quam attuli
tibi, & quam donauit mihi Deus tribuens om-
nia. 3. At Esau seruus Deo nil attribuit. Secus im-
Habeo, ait, plurima frater mi, tua tibi sint. 4. probi.
Ioseph. Genesis quadragesimo quinto.
Deus fecit me Dominum vniuersæ domus Pha-
raonis, ac principem in omni terra Aegypti:
Non ait: Pharao fecit.

Xx 3

II. Eidem